

श्रीः

॥ श्रीहनुमान चालीसा ॥

दोहा

श्रीगुरु चरन सरोज रज निज मनु मुकुरु सुधारि।
बरनउँ रघुबर बिमल जसु जो दायकु फल चारि॥

बुद्धिहीन तनु जानिके सुमिरौं पवनकुमार।
बल बुधि बिद्या देहु मोहिं हरहु कलेस बिकार॥

चौपाई

जय हनुमान ज्ञान गुन सागर। जय कपीस तिहुँ लोक उजागर॥
राम दूत अतुलित बल धामा। अञ्जनिपुत्र पवनसुत नामा॥
महाबीर बिक्रम बजरङ्गी। कुमति निवार सुमति के सङ्गी॥
कञ्चन बरन बिराज सुबेसा। कानन कुण्डल कुञ्चित केसा॥
हाथ बज्र औ ध्वजा बिराजै। काँधे मूँज जनेऊ साजै॥
सङ्कर सुवन केसरीनन्दन। तेज प्रताप महा जग बन्दन॥
विद्यावान गुनी अति चातुर। राम काज करिबे को आतुर॥
प्रभु चरित्र सुनिबे को रसिया। राम लखन सीता मन बसिया॥
सूक्ष्म रूप धरि सियहिं दिखावा। बिकट रूप धरि लङ्क जरावा॥
भीम रूप धरि असुर संहारे। रामचन्द्र के काज सँवारे॥
लाय सजीवन लखन जियाये। श्रीरघुबीर हरषि उर लाये॥
रघुपति कीन्ही बहुत बडाई। तूम मम प्रिय भरतहि सम भाई॥
सहस बदन तुम्हरो जस गावैं। अस कहि श्रीपति कण्ठ लगावैं॥
सनकादिक ब्रह्मादि मुनीसा। नारद सारद सहित अहीसा॥
जम कुबेर दिगपाल जहाँ ते। कबि कोबिद कहि सके कहाँ ते॥
तुम उपकार सुग्रीवहिं कीन्हा। राम मिलाय राज पद दीन्हा॥
तुम्हरो मन्त्र बिभीषन माना। लङ्केस्वर भए सब जग जाना॥

जुग सहस्र जोजन पर भानू। लील्यो ताहि मधुर फल जानू॥
 प्रभु मुद्रिका मेलि मुख माहीं। जलधि लाँघि गये अचरज नाहीं॥
 दुर्गम काज जगत के जेते। सुगम अनुग्रह तुम्हरे तेते॥
 राम दुआरे तुम रखवारे। होत न आज्ञा बिनु पैसारे॥
 सब सुख लहै तुम्हारी सरना। तुम रच्छक काहू को डर ना॥
 आपन तेज सम्हारो आपै। तीनों लोक हाँक तें काँपै॥
 भूत पिशाच निकट नहिं आवै। महाबीर जब नाम सुनावै॥
 नासै रोग हरै सब पीरा। जपत निरन्तर हनुमत बीरा॥
 सङ्कट तें हनुमान छुडावै। मन क्रम बचन ध्यान जो लावै॥
 सब पर राम तपस्वी राजा। तिन के काज सकल तुम साजा॥
 और मनोरथ जो कोई लावै। सोई अमित जीवन फल पावै॥
 चारों जुग परताप तुम्हारा। है परसिद्ध जगत उजियारा॥
 साधु सङ्ग के तुम रखवारे। असुर निकन्दन राम दुलारे॥
 अष्ट सिद्धि नौ निधि के दाता। अस बर दीन जानकी माता॥
 राम रसायन तुम्हरे पासा। सदा रहो रघुपति के दासा॥
 तुम्हरे भजन राम को पावै। जनम जनम के दुख बिसरावै॥
 अन्त काल रघुबर पुर जाई। जहाँ जन्म हरिभक्त कहाई॥
 और देवता चित्त न धरई। हनुमत सेइ सर्व सुख करई॥
 सङ्कट कटै मिटै सब पीरा। जो सुमिरै हनुमत बलबीरा॥
 जै जै जै हनुमान गोसाईं। कृपा करहु गुरु देव की नाईं॥
 जो सत बार पाठ कर कोई। छूटहि बन्दि महा सुख होई॥
 जो यह पढ़ै हनुमान चलीसा। होय सिद्धि साखी गौरीसा॥
 तुलसीदास सदा हरि चेरा। कीजै नाथ हृदय मँह डेरा॥

दोहा

पवनतनय सङ्कट हरन मङ्गल मूरति रूप।
 राम लखन सीता सहित हृदय बसहु सुर भूप॥

śrīḥ

॥ *śrīhanumānacālīsā* ॥

*śrīguru carana saroja raja
nija manu mukuru sudhāri |
barana·ũ raghubara bimala jasu
jo dāyaku phala cāri ॥*

*buddhihīna tanu jānike
sumiraum̐ pavanakumāra |
bala budhi bidyā dehu mohim̐
harahu kalesa bikāra ॥*

caupā·ī

*jaya hanumāna jñāna guna sāgara |
jaya kapīsa tihũ loka ujāgara ॥*

*rāma dūta atulita bala dhāmā |
añjaniputra pavanasuta nāmā ॥*

*mahābīra bikrama bajaranḡi |
kumati nivāra sumati ke saḡi ॥*

*kañcana barana birāja subesā |
kānana kuḡḡala kuñcita kesā ॥*

*hātha bajra au dhvajā birājai |
kāḡhe mũja jane·ũ sājai ॥*

*sañkara suvana kesarīnandana |
teja pratāpa mahā jaga bandana ॥*

*vidyāvāna gunī ati cātura |
rāma kāja karibe ko ātura ॥*

*prabhu caritra sunibe ko rasiyā |
rāma lakhana sītā mana basiyā ॥*

*sūkṣma rūpa dhari siyahim̐ dikhāvā |
bikaḡa rūpa dhari lañka jarāvā ॥*

bhīma rūpa dhari asura sāhāre |
rāmacandra ke kāja sāvāre ||

lāya sajīvana lakhana jiyāye |
śrīraghubīra haraṣi ura lāye ||

raghupati kīnhī bahuta badā·ī |
tuma mama priya bharatahi sama bhā·ī ||

sahasa badana tumharo jasa gāvaiṃ |
asa kahi śrīpati kaṇṭha lagāvaiṃ ||

sanakādika brahmādi munīsā |
nārada sārada sahita ahīsā ||

jama kubera digapāla jahā te |
kabi kobida kahi sake kahā te ||

tuma upakāra sugrīvahiṃ kīnhā |
rāma milāya rāja pada dīnhā ||

tumharo mantra bibhīṣana mānā |
lañkesvara bha·e saba jaga jānā ||

juga sahastra jojana para bhānū |
līlyo tāhi madhura phala jānū ||

prabhu mudrikā meli mukha māhīṃ |
jaladhi lāghi gaye acaraja nāhīṃ ||

durgama kāja jagata ke jete |
sugama anugraha tumhare tete ||

rāma du·āre tuma rakhavāre |
hota na ājñā binu paisāre ||

saba sukha lahai tumhārī saranā |
tuma racchaka kāhū ko ḍara nā ||

āpana teja samhāro āpai |
tīnoṃ loka hāka teṃ kāpai ||

*bhūta pisāca nikaṭa nahim āvai |
mahābīra jaba nāma sunāvai ||*

*nāsai roga harai saba pīrā |
japata nirantara hanumata bīrā ||*

*saṅkaṭa teṃ hanumāna chuḍāvai |
mana krama bacana dhyāna jo lāvai ||*

*saba para rāma tapasvī rājā |
tina ke kāja sakala tuma sājā ||*

*aura manoratha jo ko·ī lāvai |
so·ī amita jīvana phala pāvai ||*

*cāroṃ juga paratāpa tumhārā |
hai parasiddha jagata ujiyārā ||*

*sādhu santa ke tuma rakhavāre |
asura nikandana rāma dulāre ||*

*aṣṭa siddhi nau nidhi ke dātā |
asa bara dīna jānakī mātā ||*

*rāma rasāyana tumhare pāsā |
sadā raho raghupati ke dāsā ||*

*tumhare bhajana rāma ko pāvai |
janama janama ke dukha bisarāvai ||*

*anta kāla raghubara pura jā·ī |
jahā janma haribhakta kahā·ī ||*

*aura devatā citta na dhara·ī |
hanumata se·i sarba sukha kara·ī ||*

*saṅkaṭa kaṭai miṭai saba pīrā |
jo sumirai hanumata balabīrā ||*

*jai jai jai hanumāna gosā·īṃ |
krpā karahu guru deva kī nā·īṃ ||*

*jo sata bāra pāṭha kara ko·ī |
chūṭahi bandi mahā sukha ho·ī ||*

*jo yaha paḍhai hanumāna calīsā |
hoya siddhi sākhi gaurīsā ||*

*tulasīdāsa sadā hari cerā |
kījai nātha hṛdaya māha ḍerā ||*

dohā

*pavanatanaya saṅkaṭa harana
maṅgala mūrati rūpa |
rāma lakhana sītā sahita
hṛdaya basahu sura bhūpa ||*